

摘藻堂四庫全書薈要

集部

欽定四庫全書薈要

集部

劔南詩藁卷十五  
六

詳校官助教臣謝登雋



欽定四庫全書薈要卷一萬五千五百五

集部

劔南詩藁卷十五

宋 陸游 撰

秋興

蕭蕭欲滿頭歸來三見故山秋  
醉憑高閣乾坤大  
病入中年日月遒  
百戰鐵衣空許國  
五更畫角只生愁  
明朝煙雨桐江岸  
且占丹楓繫釣舟

又

卷十五  
算境何堪與病遭西風落葉擁亭臯極知世上人情惡  
且放江邊醉眼高應俗紛紛何日了詠詩混混寄吾豪  
碧油金鎖平生意未許人言學楚騷

八月五日夜半起飲酒作草書數紙

有漏神仙有髮僧碧幘歌枕對秋燈忽然起索三升酒  
颯颯蛟龍入剝藤

秋雨漸涼有懷興元

八月山中夜漸長雨聲燈影共淒涼遙知南鄭風霜早

已有寒熊犯獵場

又

十年前在古梁州  
痛飲無時不慣愁  
最憶夜分歌舞歇  
卧聽秦女擘箜篌

又

清夢初回秋夜闌  
床頭耿耿一燈殘  
忽聞雨掠蓬窗過  
猶作當時鐵馬看

秋風曲

秋風吹雨鳴窗紙壯士不眠推枕起牀頭金盞酒尊空  
櫪馬相看淚如洗鴻門霸上百萬師安西北庭九千里  
帳前画角聲入雲隴上鐵衣光照水橫飛渡遼健如鶻  
談笑不勞投馬箠堂堂羽檄從天下夜半斫營孱可鄙  
拾螢讀書定何益投筆取封當努力百斤長刀兩石弓  
飽將兩耳聽秋風

送宣書記并寄其兄曇才二公

在吳識曇公至蜀識才公彌天宣書記晚乃得從容是

家固多賢天遣慰我窮  
初秋夏末時衲子各西東  
子獨惜此別共語夜燭紅  
怪我耐逆境萬事一笑空  
子顧知我否視身如枯蓬  
枯蓬未變滅姑當付之風  
家世無高年我今六十翁  
俯仰幾時客結束已囟囟  
那將須臾景受受憂患攻  
願言早來歸相就煮晚菘

起晚戲作

地偏身飽閒秋爽睡殊美  
老雞每愧渠三唱呼未起  
厨人罷晨汲童子愁屣履  
惰慵雖可嘲安靜良足喜  
心空

夢亦少酣枕甘若醴不學多事人南柯豪衆蟻

飲村店夜歸

致主初心陋漢唐  
算年身世落農桑  
草煙牛跡西山日  
又卧旗亭送夕陽

又

艷艷村醪君勿辭  
橙椒香美白鷺肥  
醉中忘却身今老  
戲逐螢光蹋雨歸

雨夜感懷



點滴空堦雨送涼青燈對影獨淒傷身如病木驚秋早  
心似鰥魚怯夜長鑄得黃金猶有術掃空白髮定無方  
蕭然禪榻君休笑一卷殘書伴枕傍

寄葉道人

白首不堪憂患纏要將樂事餞流年尋山猶費幾兩屐  
貯酒真須百斛船若信王侯等螻蟻可因富貴失神仙  
老杜詩王侯與螻蟻共盡隨丘墟  
太白詩富貴與神仙蹉跎成兩失  
驚人亦莫摩銅狄泰  
華松風足晝眠

月下小酌

昨日雨遠簷孤燈對搔首今夜月滿庭長歌倚衰柳世  
變浩無窮成敗翻覆手人生最樂事卧聽壓新酒我歸  
自梁益零落愴親友紛紛墮鬼錄何人得長久後生多  
不識詎肯顧衰朽一杯無與同敲門喚鄰叟

讀袁公路傳

成敗相尋豈有常英雄最忌數悲傷蕪婁豆粥從來事  
何恨郵亭坐簣床

鄰曲小飲

早稻喜登場相呼集野堂  
迎霜新兔美近社濁醪香  
茆屋滴殘雨竹籬圍夕陽  
新豐不須作真箇是吾鄉

秋夜觀月

夢回殘燭耿房櫳  
杳杳江天叫斷鴻  
病骨不禁風露重  
披衣小立月明中

又

誰琢天邊白玉盤  
亭亭破霧上高寒  
山房無客兒貪睡

常恨清光獨自看

枕上

香冷燈昏夢自驚  
清愁冉冉帶餘醒  
夜長誰作幽人伴  
惟是蛩聲與月明

秋夕大風松聲甚壯戲作短歌

人生不自憐  
坐受外物械  
榮華難把玩  
俄頃皆變壞  
山棲亦何有  
耳目差曠快  
秋郊多烈風  
夜壑起松籟  
初聞尚蕭瑟  
髣髴聽嚴瀨  
忽如倒巨浸  
便欲翻大塊  
又疑楚

漢戰瀕洞更勝敗不然六月雨雷電犇百怪三更勢稍  
斂鐵馬歸入塞孰能從吾遊洗汝胃次隘

明河篇

明河八月轉分明炯如素練西南傾年年歲歲見河漢  
坊坊曲曲聞碁聲良人萬里事征行碁聲中有玉關情  
遙知鐵衣冷如水指點明河白髮生磧中草死駱駝鳴  
萬里却望長安城兒生總角爺未見歸心頓覺封侯輕  
漢家自古有殘賊付與窮荒何足惜只願天狼無光太

白低還家為婦說安西

夜聞隣家治稻

二頃春蕪廢不耕  
半生名宦竟何成  
歸來每羨農家樂  
月下風傳打稻聲

浪迹

浪迹人間四十年  
鏡中不覺已華顛  
山川慘澹秋多感  
燈火青瑩夜少眠  
壯志已忘榆塞外  
高情正在酒壚邊  
扁舟不恨無人識  
且復長歌入暮煙

夜步庭下有感

夜遶中庭百匝行  
秋風傳漏忽三更  
星辰北拱疎還密  
河漢西流縱復橫  
驚鵲遶枝棲不穩  
冷螢穿竹遠猶明  
書生老抱平戎志  
有淚如江未敢傾

題酒家壁

明主何曾棄不才  
書生飄泊自堪哀  
煙波東盡江湖遠  
雲棧西從隴蜀回  
宿雨送寒秋欲晚  
積衰成病老初來  
酒香菰脆丹楓岸  
強遣樽前笑口開

題書齋壁

隨分琴書適性情，乍寒偏愛小窗明。  
旋烹薏粟留僧話，故種芭蕉待雨聲。  
丹藥驗方非畏死，文章排悶不求名。  
是間幽事君知否，莫怪經秋少入城。

贈貓

裏鹽待得小狸奴，盡護山房萬卷書。  
慙愧家貧策勲薄，寒無羶坐食無魚。

秋夕



羈魂虛仗些詞招病骨那禁積毀消亂葉打窗寒有信  
昏燈照幔夜無聊棧邊老驥心空在爨下殘桐尾半焦  
百感忽生推枕起碧霄銀漢正迢迢

秋雨排悶

今夏久無雨從秋却少晴空濛迷遠望蕭瑟送寒聲衣  
潤香偏著書蒸蠹欲生壞簷聞瓦墮漲水見堤平溝溢  
池魚出天低塞雁征螢飛明閣廡蛙鬧雜踈更藥醖時  
須焙舟閒任自橫未憂荒楚菊直恐敗吳杭夜永燈相

守愁深酒細傾浮雲會消散鼓笛賽西成

小舟航湖夜歸書觸目

雲黑風號不見星古丘叢木聚精靈舟人已過微相語  
兩兩三三鬼火青

又

電掣半空雲黯黯船浮積水浪憑陵茫然不辨身何處  
猶喜東南見塢燈

又

遙望湖塘炬火迎，纔歸村舍雨如傾。  
畏途回首知安在，催喚兒童暖酒鐺。

幽居書事

莫歎人間苦不諧，清時有味是歸來。  
已因積毀成高卧，更偕佯狂護散才。  
正欲清言聞客至，偶思小飲報花開。  
紛紛爭奪成何事，白骨生苔但可哀。

又

安命知天更不疑，幽居最愛早寒時。  
手中書墮初酣枕，

窗下燈殘正劇碁鮮鯽每從溪女買香菰時就釣舫炊  
山陰清絕君須記雪裏騎驢未辦詩

晚霽

雨斷簷餘滴雲疎日漏明人其如積潦天自活疲氓溪  
碓舂香稻霜叢剪綠橙書生久愁卧作意賦新晴

又

漲水返舊壑浮雲歸故山園丁藝蔬去鄰婦賃舂還舂  
木蒼煙外孤村落照間莫嫌樽酒薄且用破愁顏

雨後散步後園

淡日輕雲未快晴  
涓涓溝水去無聲  
為憐一徑新苔綠  
別就牆陰取路行

又

澤國霜遲木未疎  
秋來更覺愛吾廬  
芭蕉綠潤偏宜墨  
戲就明窗學草書

示客

十年奔走每思歸  
剗喜湖邊晝掩扉  
社燕免教嘲作客

海鷗曾是信忘機  
暉暉晚日收新稻  
漠漠新寒試夾衣  
留客盤飧君勿笑  
一畦蔬甲摘初稀

甲子晴

今日甲子晴秋稼始可言  
老農喜相覓隨事具雞豚  
埽地設菅席酌酒老瓦盆  
耳熱仰視天何異傾金樽  
牛羊散墟落霽色滿盈門  
起舞屬父老勿恨此酒渾

後一日復雨

一雨三日水抹隄  
南村北村雲淒淒  
天公約束龍返穴

不忍嘉穀沈塗泥日光清薄潦未縮起視又嘆行雲西  
初纔浙瀝灑窗戶俄已湍瀉鳴溝溪豐凶相藥若翻手  
振救小緩輒噬臍窮閭腐儒不預此且收芋栗寬兒啼  
紹興庚辰余遊謝康樂石門與老洪道士痛飲賦  
詩既還山陰王仲信為予作石門瀑布圖今二十  
有四年開圖感嘆作

二十餘年別石門燈前感舊欲消魂人生萬事皆如夢  
自笑區區記劒痕

又

愛酒黃冠鬢如雪石門邂逅一樽同  
懸知久作此山土  
愁對畫圖秋雨中

雨中遣懷

秋稼連雲飽不疑寧期一敗莫支持  
雨如梅子初黃日  
水似桃花欲動時  
正晝螽蟴驅不去  
終朝鼃黿怒何為  
凶年氣象堪流涕  
禾把紛紛滿竹籬

秋思



秋來情味更堪論身寄城南五畝園  
委轡看山無鐵獺

梅聖俞

拾樵煎茗有青猿

王元之小童名

陂塘夜雨添新漲原

馬名

野煙蕪滅舊痕豈是平生少親友  
畧無人肯訪孤村

### 秋雨歎

點點滴滴雨到明悽悽惻惻夢不成  
窗間殘燈暗欲滅  
匣中孤劍鏗有聲少年讀書忽頭白  
一字不試空虛名  
公車自薦心實恥新豐獨飲人所驚  
太行千仞插雲立  
黃流萬里從天傾遺民久憤墜塗炭  
卷穽何足煩長纓

霜風初高鷹隼擊天河下洗煙塵清投筆急裝須快士

令人絕憶獨孤生

獨孤策蒲人前  
歲死於峽中

### 雨中小酌

晨起瞻雲日日西吾廬煙雨正淒迷愁看場上禾生耳  
且泥盃中酒到臍窗日幾時飛野馬甕天惟是舞醯雞  
前村著屐猶通路自摘金橙擣鱠齏

### 衰病有感

衰與病相藥山房冷欲冰在家元是客有髮亦如僧愁

絕窮秋雨情親獨夜燈西鄰有甘井聊得曲吾肱

又

倦枕先雞覺寒汀伴雁孤寂寥誰省錄衰疾且枝梧鶴  
骨秋添瘦龜腸夜自呼蓋棺吾事定未敢泣窮途

又

羈宦一周星歸如化鶴丁灰心成寂寂霜鬢失青青小  
智空自貴大愚元不靈客來應絕倒扶病講丹經

雨止頓寒遂有晴意

霧雨昏昏地氣騰盤中朝暮厭驅蠅未看霽色排陰翳  
先覺清寒洗鬱蒸喚客喜傾新熟酒讀書貪趁欲殘燈  
明朝樂事真當賀山北山南曳瘦藤

秋晴出遊

雨餘清冷近霜天拄杖閒拖不挂錢黃葉舞風初簌簌  
碧渠通溜正濺濺無情日馭工催老耐事天公聽放顛  
薄算行歌竝湖去有人偷樣画癯僊

悲秋

形骸枯槁病侵陵  
少睡長飢一老僧  
霜夜羈愁更無賴  
莫收書策且留燈

又

蕭蕭衰鬢點新霜  
人靜房櫳易斷腸  
等是閉門愁裏過  
任教風雨壞重陽

又

殘年孤寂不禁秋  
醉自淒涼醒更愁  
富貴空成守錢虜

吾今何止百宜休

司空表聖自  
言有四宜休

又

小雨簾櫳慘淡天  
醉中偏藉亂書眠  
夢回有恨無人會  
枕畔橙香似昔年

久雨道懷

算年惜日月木落輒動心  
閒居念親友所願聞足音  
風雨斷官道吾廬况幽深  
渺渺雲水鄉蕭蕭蘆荻林  
艸茂豪鳴蛙天濶無來禽  
四顧此何處悠悠付孤斟

野步書觸目

村落初過雨園林殊未霜幽花雜紅碧野橘半青黃飛  
鷺橫秋浦啼鴉滿夕陽最憐山脚水撩亂入陂塘

月下

月白庭空樹影稀鵲棲不穩繞枝飛老翁也學癡兒女  
撲得流螢露溼衣

九月十日

不須扇障庾公塵散地脩然學隱淪風帽可憐成昨夢  
菊花已覺是陳人昏昏但苦餘醒在艸艸久無佳句新

歎息吾生行已矣老來歲月似奔輪

秋晴園中山禽絕多有感而賦

九日秋陰一日晴山禽應喜我閒行  
幽吭弄暖閒相命勁翮凌風遠有聲  
熟果啄餘看核墮細枝銜得欲巢成  
名園美蔭不飛去似比交朋猶有情

燈籠

我年十六遊名場靈芝借榻棲僧廊  
鐘聲纔定履聲集弟子堂上分兩廂  
燈籠一樣薄臘紙瑩如雲母含清光



還家欲學竟未暇歲月已似犇牛忙書生白首故習在  
顛倒簡牘分朱黃短檠雖復作老伴目力眩晃不可常  
平生所好忽入手摩挲挹挈喜欲狂蘭膏澌灑支達旦  
秋雨蕭瑟輸新涼討論廢忘正塗乙遂欲盡發萬卷藏  
所嗟衰病終難勉非復當年下五行

舟過南莊呼村老與飲示以詩

我昔過此時荷花粲雲錦今我復來遊霜露已淒凜鄉  
鄰福苦薄積雨敗垂稔禾頭耳觶觶熟計難高枕所懼

憂吾君歲暮詔發廩勿言村醪薄排悶聊共飲

又

玄雲吞落日大風東北起隔林鳴兩鳩當道行衆螳晴  
來未三日雨候乃復爾我場何時乾嘉穀在泥滓豐凶  
歲所有遊惰古所恥努力教子孫天公終可倚

秋夜獨過小橋觀月

湖上蕭蕭落葉頻小橋東畔岸綸巾乍圓素月升寒壁  
欲散微雲蹙細鱗有酒便應遺世事得閒隨處勝官身

笑談但恨朋遊少安得幽人與卜鄰

紹興中與陳魯山王季夷從兄仲高以重九日同  
遊禹廟後三十餘年自三橋泛舟歸山居秋高雨  
霽望禹廟樓殿重複光景宛如當時而三人者皆  
下世予亦衰病無聊慨然作此詩

重樓傑閣倚虛空紅日蒼煙正鬱蔥鄉國歸來渾似鶴  
交朋零落不成龍人生真與夢何校我輩故應情所鍾  
淚漬清詩却回棹不眠一夜聽鳴蛩

雜興

風雨雞喔喔雪霜柏森森獨居雖無友二物感我深

又

萬物各有時蟋蟀以秋鳴我老自少眠那得憎此聲

又

漲水入我廬萍葉黏半扉日出水返壑念汝何由歸

又

清霜染丹葉秋晚粲如春回首風吹盡天公解戲人

予秋夜觀月得瘡疾枕上賦小詩自戲

貪看霜月步亭臯不覺寒侵范叔袍且倚誦詩驅瘡鬼

斷無人寄碧腴膏

唐小說載鄭虔妻病瘡杜子美教誦子璋髑髏血模糊等句以却之又元

微之謫江陵病瘡白樂天自長安寄以碧腴膏

後春愁曲

并序

予在成都作春愁曲頗為人所傳偶見舊藁悵

然有感作後春愁曲

六年成都擅豪華黃金買斷城中花醉狂戲作春愁曲

素屏紈扇傳千家當時說愁如夢寐眼底何曾有愁事  
朱顏忽去白髮生真墮愁城出無計世間萬事元悠悠  
此身長短歸山丘閉門堅坐愈生愁未死且復秉燭遊

秋花歎

秋花如義士榮悴相與同豈比輕薄花四散隨春風黃  
菊抱殘枝寂寞卧寒雨拒霜更可憐和蒂浮煙浦古來  
結交意正要共死生讀我秋花詩可代丹雞盟

寄題朱元晦武夷精舍

先生結屋綠巖邊，讀易懸知屢絕編。  
不用采芝驚世俗，恐人謗道是神仙。

病愈

秋夕高齋病始輕，物華凋落歲崢嶸。  
蟹黃旋擘饒涎墮，酒淥初傾老眼明。  
提筆詩情還跌宕，倒牀藥裹尚縱橫。  
閒愁却似憎人睡，又起挑燈聽雨聲。

病中忽有看山人，史君見過欣然接之口占絕句  
蜀語初聞喜復驚，依然如有故鄉情。  
絳羅餅餌玻璃酒

何日暮頤伴我行

着州以羅裹餅餠至二十四子號通義餠玻璃春郡酒名也亦為西州之

冠

### 初寒

我窮不自活萬事付天公今年寒苦晚霧雨常濛濛雖  
道裘褐憂坐念疾病攻清夜喜不寐萬木號西風新霜  
纔幾何瘴癘一掃空曉看烏臼林已有數葉紅微雲時  
去來寒日猶曛曛振衣起出戶一笑尋鄰翁

### 出塞曲



北風吹急雪夜半埋羶廬將軍八千騎萬里逐單于漢  
家如天臣萬邦歡呼動地單于降鈴聲南來金閃爍赦  
書已報經沙漠

無題

碧玉當年未破瓜學成歌舞入侯家如今顚顚蓬窗裏  
飛上青天妬落花

道室即事

一簪殘雪寄林亭手把黃庭兩卷經琴調養心安澹泊

爐香挽夢上青冥隨緣久已均憂苦玩世惟須半醉醒  
溪父園公殊未見頽然誰與共忘形

夙興

青燈黃卷擁篝爐殘髮垂蓬未暇梳略似諸生勤夜課  
絕勝小吏迫晨趨雞聲喔喔寒猶力月影離離淡欲無  
幽致滿前君不領枉因留滯歎頭顱

長安道

千夫登登供版築萬手丁丁供斲木歌樓舞榭高入雲

複幕重簾晝燒燭中使傳宣騎飛鞚達官候見車擊轂  
豈惟炎熱可炙手五月瞿唐誰敢觸人生易盡朝露晞  
世事無常壞陂復士師分鹿真是夢塞翁失馬猶為福  
君不見野老八十無完衣歲晚北風吹破屋

記夢

夜夢有客袒褐袍示我文章雜詩騷措辭磊落格力高  
浩如怒風駕秋濤起伏犇蹴何其豪勢盡東注浮千艘  
李白杜甫生不遭英氣死豈埋蓬蒿晚唐諸人戰雖鏖

眼暗頭白真徒勞何許老將擁弓刀遇敵可使空壁逃  
肅然起敬豎髮毛伏讀百過聲嘈嘈惜未終卷雞已號  
追寫尚足驚兒曹

冬夜讀書

茂陵病後非平昔瘦骨矜孱短髮疎紅燭悔從長夜飲  
青燈喜對少年書聖賢親見生非晚忿慾俱空死有餘  
破屋顏垣君勿笑更闌絃誦滿吾廬

遊僊

羅澗谷選放翁詩有遊僊七言古詩一首即  
飄飄初珥玉殿三絕句合成者附記于此

飄飄鸞鶴杳難攀  
萬里東遊海上山  
應有世人遙稽首  
紫簫餘調落雲間

又

鳳舞鸞歌宴紫宮  
碧桃花下醉千鍾  
紅塵謫滿重歸去  
花未開殘宴未終

又

玄圃春風賜宴時  
雙成獨奏玉參差  
侍晨飲醕虛皇喜  
一段龍綃索進詩

又

初珥金貂謁紫皇  
僊班最近玉爐香  
為憐未慣叢

一作層

霄冷獨賜流霞九醞觴

又

玉殿吹笙第一僊  
花前奏罷色淒然  
憶曾偷學春愁曲  
謫在人間五百年

過鄰家

今日病良已  
筇枝發興新高  
居遺世事一笑過  
吾鄰夕

照明丹葉秋風老白蘋素衣雖化盡不為犯京塵

山園晚興

傳盃誰與豁幽悰霜晚黃花未滿叢過雁一聲寒靄外  
短籬數掩夕陽中易雖病裏猶能讀詩到愁邊始欲工  
惟有功名真已矣嬾將華髮對青銅

初冬出扁門歸湖上

桑柘枝空葉作堆斜陽更著角聲催雲歸玉筍茫茫去  
水下蘭亭曲曲來稻壠受犂寒欲遍漁船入市晚爭回

貂裘破弊霜風冷愁對青燈撥瓮醅

新寒小醉睡起日已高戲作

倦眼矇矓睡易成華胥稅駕不多程衾重枕穩當霜夕  
氈暖屏深擁宿醒栩栩蝶魂閒自適絲絲龜息靜無聲  
幽棲豈是忘微祿正怕條鈴擾五更

太息

閒將白髮照清溝太息年光逝不留勲業無期著書晚  
此生與世判悠悠



冬夜讀書

平生喜藏書拱壁未為寶歸來稽山下爛漫恣探討六  
經萬世眼守此可以老多聞竟何用綺語期一掃幽居  
出戶稀衰病擁爐早青燈照黃卷作意勿艸艸

晚步

地爐附殘火將夕鳥雀喧食已了無事扶杖閒出門披  
披歸雲陣淡淡新月痕平生足憂患歲晚信乾坤緩步  
牛羊巷浩歌桑柘村九原不可作吾意與誰論

村舍

空谷人稀到新寒病頓輕晨霜催小獵宿雨潤新耕  
艸莽秦馳道雲煙越故城千年不磨滅惟有暮山橫

野步至近村

隨意出柴荆清寒作晚晴風吹雁北鄉雲帶月東行  
童稚爭追逐漁樵習送迎白頭寧復仕惟此餞餘生

夜坐油盡戲作

金樽畫燭少年豪白首孤燈不厭勞夜漏雖深書未竟

半缸誰與續殘膏

又

欲盡殘燈更有情  
可憐剪斷讀書聲  
區區紙上太癡計  
一笑開門看月明

歲暮

離離井上桐鬱鬱牆下桑  
零落豈不悲無奈中夜霜  
蟋蟀更可念歲暮依客牀  
客亦自孤寂衣篝歇殘香  
一燈挂西壁耿耿青無光  
援筆欲寫愁三喟不成章

幽居感懷

偶傍楓林結數椽東歸也復度流年汀洲雁下依殘水  
墟里人行破夕煙十月風霜欺客枕五更鼓角滿江天  
散關清渭應如昨回首功名一愴然

山中夜歸戲作短歌

駿馬不用換美妾名酒不用博涼州霜天飲酒騎馬出  
馳獵蹴蹋川原秋少年意薄萬戶侯白首乃作窮山囚  
箭鋒豈必盡狐兔曾次聊欲平山丘夜歸湖上酒初醒

莊舍蕭條燈火冷解刀自笑太麤生却染松煤飛兔頴  
狂歌

少年雖狂猶有限遇酒時能傲憂患即今狂處不待酒  
混混長歌老巖澗拂衣即與世俗辭掉頭不受朋友諫  
挂帆直欲截煙海策馬猶堪度雲棧枵然癡腹肯貯愁  
天遣作盜盛藜苒髮垂不櫛性所便衣垢忘濯心已慣  
眼前故人死欲無此生行矣風雲散羞為塵土伏轅駒  
寧作江湖斷行雁

遲算

遲算固多感況此歲崢嶸霜霰忽已集夜聞絡緯鳴青  
燈不解語依依有餘情銅瓶煮寒泉中作笙簫聲沈憂  
能傷人一夕白髮生蓬萊渺雲海金丹幾時成

種秫

種秫供留客移花待探春愁邊開樂國閨裏作閒身鬢  
髮今如此頭顱莫問人白鷗非避俗野性自難馴

擁爐

睡少人人笑老生擁爐孤坐欲三更月移西去失花影  
風自北來傳漏聲鳧鼎煎茶非俗物雁燈開卷愜幽情  
興來自喜猶彊健一紙清詩取次成

冬夜吟

昨夜凝霜皎如月碧瓦鱗鱗凍將裂今夜明月却如霜  
竹影橫窗更清絕造物有意娛詩人供與詩材次第新  
飢鴻病鶴自無寐山窮水絕誰為鄰西村梅花消息動  
唧唧寒醅漸鳴瓮儘將醉帽插幽香此生莫作長安夢

讀書罷小酌偶賦

歲晚淒涼冰雪晨  
顏垣破屋鏡湖濱  
浮生亦念古有死  
壯氣莫謂秦無人  
黃卷展殘三太息  
綠尊酌罷一嘖呻  
躬耕不預差科事  
猶向清時作幸民

移花遇小雨喜甚為賦二十字

獨坐閒無事  
燒香賦小詩  
可憐清夜雨  
及此種花時

書生歎

君不見城中小兒計  
不疎賣漿賣餅活  
有餘夜歸無事



喚儔侶醉倒往往眠街衢又不見寵頭男子手把鉏丁  
字不識稱農夫筋力雖勞憂患少春秋社飲常歡娛可  
憐秀才最誤計一生衣食囊中書聲名纔出衆毀集中  
道不復能他圖抱書餓死在空谷人雖可罪汝亦愚嗚  
呼人雖可罪汝亦愚曼倩豈即賢侏儒

冬夜醉解殘燈熒然起讀書至明賦詩十韻

冬夜厭久坐頗幸一醉眠滿酌文舉尊徑卧子敬羶鼻  
雷未及作眼電遽瞭然孤燈如秋螢喚我開陳編初欲

限一卷隨手紛聯翩歡然不知疲忽已晨烏遷嗟我行  
六十衰病迫殘年仕進今永塞文章後誰傳飽食而安  
寢此計定自賢勿學艸玄翁死為人所憐

夜行

路長憂炬盡馬弱畏泥深腸斷猿啼樹魂驚鬼嘯林艱  
危窮自慣寒苦老難禁回首金牛道加鞭負壯心

項自  
小益

還南鄭夜宿金牛驛時方大寒  
人馬俱欲僵仆今十二年矣

遊淳化寺

蕭寺久不到偶來幽興長  
螳穿珠九曲蜂釀蜜千房  
雨過山橫翠霜新橘弄黃  
年衰道不進珍重一爐香  
僧問極迷如何是祖師西來意師曰古殿一爐香極迷即淳化也

### 餘慶出遊夜歸

杖藜尋勝愜幽情  
芒屨如飛病體輕  
迎客野梅纔半吐  
避人山雉尚徐行  
東谿水落灘聲壯  
南嶺雲酣雪意成  
薄暮歸來僧已定  
佛龕獨對一燈明

### 遊前山

兀兀無歡意閒遊未擬回履聲驚雉起風信報梅開山  
雪堆僧衲溪流動蟄雷平生一桐帽自惜犯塵埃

齋前獨坐戲作

閉戶學僧坐頽然遺世情虛窗鷓鴣飛影枯葉犬行聲雪  
擁杉灰煖雲垂紙帳明清饒不可耐一笑聽華鯨

晚同僧至谿上

耽耽卧石熊當道矯矯長松龍上天不怕雪雲寒到骨  
喚僧扶杖立橋邊

僧飯

雲碓舂杭白齋厨爨桂香  
百竅慚燕頤一飽慰龜腸  
舉世如心少平生為口忙  
何當棄簪笏終老掩山房

山店賣石榴取以薦酒

山色蒼寒雲釀雪旗亭據榻興悠哉  
麴生正欲相料理  
催喚風流揩揩來

平水小憇

蓐食小菴中肩輿小市東  
霧收山淡碧雲漏日微紅  
酒

旆村場近，層船浦澈。通平生喜行路，小住莫怱怱。

自若耶溪舟行杭鏡湖而歸

換馬亭前煙火微，鬪牛橋畔行人稀。  
雲山慘澹少顏色，霜日青薄無光輝。  
新酒筍成桑正落，美人信斷雁空歸。  
高樓何處吹長笛，清淚無端又溼衣。

宴坐

鼓樂弦歌萬二千，天魔剗欲破幽禪。  
道人袖手心如水，一點紗燈夜悄然。

遊山歸偶賦

此生本寄一浮漚歸卧茅茨又四秋  
習氣未除惟痛飲  
幻軀偶健且閒遊  
買蓑山縣雲藏市橫笛江城月滿樓  
與世沈浮最安樂莫思將相快恩讐

六十吟

人生久矣無百年六十七十已為壽  
嗟予忽忽蹈此境  
衰髮如蓬面枯瘦  
孤松摧折老澗壑  
病馬淒涼依棧豆  
尚無壽策活目前  
豈有功名付身後  
壁疎燈入風焰搖

地爐火盡寒蕭蕭胸中白虹吐千丈庭樹葉空衣未續

舒悲

嗜酒苦猖狂畏人還齷齪老病始悔歎天下無此錯管  
葛逝已久千古困俗學捫蝨論大計使我思景畧中原  
失枝梧風塵暗河洛天道遠莫測士氣伏不作煌煌東  
觀書無乃太寂寞丈夫不徒死可作一丘貉歲晚計愈  
疎撫事淚零落

山園晚興



病骨初輕野興濃  
閒扶拄杖夕陽中  
艸枯陂澤涓涓水  
木落園林淅淅風  
揚子淒涼老天祿  
馬周顛顛客新豐  
壯心未與朱顏改  
一笑憑高送斷鴻

獨立

獨立柴荆外  
頽然一秃翁  
亂山吞落日  
野水倒寒空  
憂患工催老  
飄零敢諱窮  
漁歌亦何恨  
淒斷滿西風

探梅

半吐幽香特地奇  
正如官柳弄黃時  
放翁頗具尋梅眼

可愛南枝愛北枝

又

江路雲低糝玉塵暗香初探一枝新平生不喜凡桃李  
看了梅花睡過春

遠興

莫言人世足悲傷只為詩情合斷腸窗檻雨晴湖灩灩  
郊墟煙重月茫茫梅花調苦愁三弄竹葉香清泥一觴  
閉戶終年嗟局促不如新雁到衡湘

張功甫許見訪以詩堅其約

零落汀蘋露氣清  
北窗昨夜已秋聲  
書來已有入東約  
坐上極思虛左迎  
激烈哦詩殷金石  
縱橫落筆走蛟鯨  
吾曹此事期千載  
老眼相逢剗要驚

劔南詩豪卷十五

欽定四庫全書薈要卷一萬五千五百六

集部

劔南詩藁卷十六

宋 陸游 撰

夜夢與數客觀畫有八幅龍湫圖特奇客請予作詩其上書數十字而覺不復能記明旦乃追補之亦髣髴夢中意也

高堂閱畫娛嘉賓巨幅小卷縱橫陳其間一圖最傑作  
命意落筆驚倒人奇峰峭立插地軸飛瀑崩瀉垂天紳

壽藤老木幻荒怪深潭危棧愁鬼神忽然白晝起雷霓  
始覺異物蟠齋淪陰雲四興誅老魃甘澍連夕蘇疲民  
豈惟陂澤苗盡立已活億萬介與鱗文章與画共一法  
腕力要可回千鈞錙銖不到便懸隔用意雖盡終苦辛  
君看此圖凡幾筆一一圓勁如秋蓴乃知世間有絕藝  
天造艸昧參經綸吾言未竟且復止剗發幽奧天公嗔  
泛舟

女牆齟齬帶斜暉短棹還從剡曲歸木葉經霜渾欲盡

人家近水自相依逢迎俗客言多忤顛沛窮途計易非  
雪裏閉門殊不惡故貂雖弊勝無衣

夜聞大風感懷賦吳體

故都宮闕戰血腥原野久稽陳大刑未須校尉戍西域  
先要將軍空朔庭意言揮戈可退日身乃讀書方聚螢  
病起窗前髮如雪夜聞風聲孤淚零

骨相

骨相元知薄功名敢自期病侵彊健日閒過聖明時形

勝輪臺地飛騰瀚海師江湖雖萬里猶擬掇聲詩

有感

書生事業絕堪悲橫得虛名毀亦隨  
怖懼幾成牀下伏艱難何啻劍頭炊  
貸監河粟元知誤乞尉遲錢更覺癡  
已卜一菴鵝鼻谷鵝鼻谷在秦望山秦刻石之所崖嶺峻可無芝朮療朝飢

又

讀遍名山萬卷藏殘年肯受俗低昂  
正須嘯詠風濤上



未至悲辛酒肉旁夢裏功名誰復計閒中日月不勝長  
虛皇有詔君知否盡賜江湖作醉鄉

城西晚眺

娟娟城砦咽熒熒漁火青霜凋兩岸柳水浸一天星靜  
看船歸浦遙聞雁落汀倚闌幽興極不敢恨飄零

苦寒

凍硯時能出苦吟濁醪亦復慰孤斟誰知冰雪凝嚴候  
自是乾坤愛育心癘鬼盡驅人意樂遺蝗一洗麥根深

但嫌景短妨書課棲鳥紛紛又滿林

夙興

病後精神殊未減披衣每起待晨雞愛書不厭如平壑  
戒酒新嚴似築堤莫歎茅茨常局促猶勝簿領苦沈迷  
迎長漸近丹當熟已覺溫溫下徹臍

冬夜讀書甚樂偶作短歌

衰病作書崇常恨無新功兔甌供茗粥睡思一洗空郊  
居近城闉漏鼓傳鼕鼕絳帙開爛漫牙籤紛疊重朱黃

參筆墨照映燈花紅魯壁汲冢祕天遣慰困窮衮衣窺  
藻火宗廟聽笙鏞端居得至樂生世豈不逢藜羹冷未  
啜短褐忘嚴冬拜手謝造物不須黑頭公

冬夜月下作

造物寧能困此翁浩歌庭下畚松風煌煌斗柄插天北  
焰焰月輪生海東皂纛黃旂都護府戎冠長劒大明宮  
功名晚遂從來事白首江湖未歎窮

感憤

今皇神武是周宣  
誰賦南征北伐篇  
四海一家天歷數  
兩河百郡宋山川  
諸公尚守和親策  
志士虛捐少壯年  
京洛雪消春又動  
永昌陵上艸芊芊

蓬戶

蓬戶真堪設爵羅  
歲時野老自相過  
人情靜處看方見  
詩句窮來得最多  
枕上長歌時激烈  
樽前一笑且婆娑  
白頭萬事都經遍  
莫為悲傷損太和

行後園

霜風吹枯桑落葉乾有聲陂池日已涸沙水見底清人  
生非金石歲算難為情安得天邊鵠駕之以遐征

曉出遇獵徒有作

出門萬瓦粲晨霜忽憶軍行起裹創賣劍買牛身已老  
搴旗斬將夢猶狂奇才古有潛屠肆豪氣今誰寓獵場  
狐兔艸間何足問合畱長箭射天狼

贈道侶

崎嶇世路久知難準擬丹成玉鍊顏十載尋人遍巖穴

一樽隨處對溪山  
蘇門晝寂聞舒嘯  
函谷秋清候度關  
剗欲相招同此事  
疑君未辦一生閒

六言

功名正恐不免富貴  
酷非所須鐵馬未平  
遼碣釣船且醉江湖

又

噉飯一簞不盡結廬  
環堵猶寬常得奉祠  
玉局不須艸

詔金鑾

又

烏有翁邊貰酒無何鄉里尋花把定東風一笑今年別  
是生涯

又

壯歲京華羈旅算年江海清狂勿倚新知可樂笑中白  
刃如霜

作雪未成自湖中歸寒甚飲酒作短歌

黑雲垂到地飛霰如細礫我從湖上歸散髮醉吹笛少

年志功名目視無堅敵慘淡古戰場往往身所歷寧知  
事大繆白首猶寂寂淒涼武侯表零落陳琳檄報主知  
何時誓死空憤激天高白日遠有淚無處滴

題傳神

鹽車心愧渥洼姿邂逅風雲妄自期齧雪豈無歸漢日  
飯牛猶有相齊時君看裋褐琴橫膝誰許我冠劍拄頤  
白髮蕭蕭雖憊矣時來或將渡遼師

李英公平遼東  
時已八十餘

閏月三夜舍西觀新月



平生絕愛初三月況是平池浸玉鉤  
老去人間朋舊少一樽誰與話清愁

獨夜

城上長更續短更江平天迥雁方征  
燈明紙帳雪霜色火熟銅瓶風雨聲  
濁酒未傾心已怯細書時讀眼猶明  
蕭然一室平生慣燼下何須擁萬兵

晚出偏門

一段新愁帶宿醒半欹烏帽策驢行  
村墟香動梅初破

裘褐寒輕雪未成渡口人爭紅日晚沙邊雁帶碧煙橫  
悠然又覓長堤路腸斷城樓画角聲

薏苡

蜀人謂其實為薏米唐安所出尤奇

初遊唐安飯薏米炊成不減雕胡美大如芡實白如玉  
滑欲流匙香滿屋腹腴項鬻不入盤况復殮酪誇甘酸  
東歸思之未易得每以問人人不識嗚呼奇材從古棄  
艸菅君試求之籬落間

畲鄭虞任檢法見贈

卧龍山前秋雨晴鄭子過我如夙昔照人睂宇寒巉巖  
懸知筆有千鈞力鏡湖歲暮霜葉空乃聞載酒同諸公  
歸來湖山皆動色新詩一紙吹清風文章要須到屈宋  
萬仞青霄下鸞鳳區區圓美非絕倫彈丸之評方誤人

舟中曉賦

小艇下滄浪吳歌特地長斜分半艙月滿載一篷霜香  
甌炊菰白醇醪點蟹黃宦遊元為口莫恨老江鄉

野興

玉門關外何妨死飯顆山頭不怕窮  
春瓮已成花欲動了無一事着胷中

又

猿臂將軍老未衰氣吞十萬羽林兒  
南山射虎自堪樂何用封侯高帝時

月夜有感

炯炯冰輪升澹澹玉宇碧高楼傾美酒  
一醉不容失陸生獨何事閉戶飽岑寂  
年來負風月豈止此一夕平生

酒邊身欲老每自惜夜闌耿不寐浩歌出金石

落魄

落魄東吳莫笑儂今年要不負春風閒愁擲向乾坤外  
永日移來歌吹中酒浪欲爭湖水綠花光却妒舞衫紅  
公卿憂責如山重肯信人間有放翁

遣興

壯年一箭落雙鷗野餉如今擷藥苗寒與梅花同不睡  
悶尋鸚鵡說無憀烏絲闌上詩初就綠綺聲中酒半消

老去可憐風味在未應山海混漁樵

湖村野興

十里疎鐘到野堂五更殘月伴清霜已知無奈姮娥冷  
瘦損梅花更斷腸

又

山色空濛雨點微醉中不覺溼蓑衣何妨乞與丹青本  
一棹橫衝翠靄歸

看鏡

局促人間百不如每看清鏡歎頭顱醉來風月心猶在  
老去軒裳夢已無棋劫正忙停晚餉詩聯未穩畫寒爐  
藥除尚喜身彊健六十登山不用扶

塞上

塞上今年有事宜將軍承詔出全師精金錯落八尺馬  
刺繡鮮明五丈旗上谷飛狐傳號令蕭關積石列城隄  
不應幕府無班固早晚燕然刻頌詩

舟過會稽山下因繫舟遊近村追尋乃歸

六十齒髮衰歲月如逝波秦王酒瓮邊知復幾經過欣然捨畫楫仄步捫青蘿一徑入幽谷四面聞樵歌白雲忽破碎翠木相蕩摩湫湫春塘滿柳陰戲雙鵝浮生百憂中此樂顧豈多日算吾其歸已恐爛斧柯

人日偶遊民家小園有山茶方開

人日西郊路晨光射淺灘停橈喜蕭散照影歎衰殘社酒香浮瓮春蔬綠滿盤山茶雖慰眼不似海雲看

成都海雲

寺山茶花一樹  
千苞特為繁麗



過杜浦橋

橋外波如鴨頭綠  
杯中酒作鵝兒黃  
山茶花下醉初醒  
却過西村看夕陽

又

橋北雨餘春水生  
橋南日落暮山橫  
問君對酒胡不樂  
聽取菱歌煙外聲

上元日晝卧

積雨連上元  
孤愁卧空館  
宿醒殊未解  
欲起意復嬾  
牀

數蠻羶穩被擁吳綾暖殘香碧縷細軟火紅焰短雖云  
少睡眠聊喜屢展轉昏昏忽已算一笑呼茗椀

莊器之作招隱閣項平父諸人賦詩予亦繼作

諸公共賦反招隱細字斜行肯見傳語到淮南小山作  
人如江左永和年一窗蘿月禁春瘦萬壑松風撼晝眠  
我亦尚嫌林谷淺因君更擬斲雲煙

春夜讀書感懷

荒林杲獨嘯野水鵝群鳴我坐蓬窗下畲以讀書聲悲

哉白髮翁世事已飽更一身不自惜憂國涕縱橫永懷  
天寶末李郭出治兵河北雖未下要是復兩京三千同  
德士百萬羽林營歲周一甲子不見邊塵清彼王實孱  
王彼將非人英如何失此時坐待姦雄生我死骨即朽  
青史亦無名此詩倘不作丹心尚誰明

宿能仁寺

小雨暗江城倦客寄僧榻孤燈如秋螢清夜自開闔遙  
憐萍青青厭聽鼃閣閣窗明竟無寐卯酒倒殘榼

寄題方伯暮遠菴

方侯胷中負經濟議論源源有根柢  
借令不用老山林尚欲著書垂萬世  
百年苦短萬世長榮利一時真聚蚋  
渠曹定自別肺肝今夕不為明旦計

雨中宿石帆山下民家

老覺山行倦閒便水宿幽雨泥看放鴨  
煙草聽呼牛槃箸煩頻勸窗扉喜小留  
餘年竟何事高枕送悠悠

中夜雨霽月色入戶起飲酒一杯作絕句

吹盡浮雲天宇清  
城頭疊鼓報三更  
平生無此一杯酒

玉笥峰頭看月生

玉笥峰在石帆之南

贈石帆老人

地僻林深客到稀  
高舂未起閉柴扉  
新松鬱鬱三千本  
密竹蕭蕭一尺圍  
溪叟旋分菰米滑  
山童新采蕨芽肥  
因君更作長間想  
麟閣雲臺竟是非

溪上醉吟

行行不知溪路深  
但怪素月生遙岑  
不辭醉袖拂花絮

與子更醉青蘿陰

囚山

垣屋叅差綠樹邊囚山光景餞華顛平川極目思秦地  
大澤浮空憶楚天刺虎射麋俱已矣舉杯開劍忽悽然  
此生終遣英雄笑棘沒銅駝六十年

小園

松菊僅三畝作園真彊名馴禽驚不去熟果墮無聲倦  
就盤陀坐閒拈柳栗行茅亭亦踈豁憑檻看春耕

鄉人或病予詩多道蜀中遨遊之盛適春日遊鏡湖共請賦山陰風物遂即杯酒間作四絕句却當持以誇西州故人也

嬾日輕雲淡沲天撲燈過後賣花前便從水閣杭湖去捲起朱簾上畫船

又

舫子窗扉面面開金壺桃杏間尊罍東風忽送笙歌近一片樓臺泛水來

又

湖波綠似鴨頭深一日春晴直萬金好事誰家鬪歌舞  
方舟齊榜出花陰

又

花光柳色滿牆頭病酒今朝嬾出遊却就水亭開小燕  
繡簾銀燭看歸舟

病中

風雨暗江天幽窗起復眠忍窮安晚境留病壓災年客



助修琴料僧分買藥錢餘生均逆旅未死且陶然

病起

開歲忽六十病餘閒炷香春光向客淡夜漏為愁長已  
老鷄豚社永違鷓鴣行蒼龍西角月孤夢墮微茫

小築

小築茅茨鏡水濱天教靜處著閒身平原不復賦豪士  
甫里但思歌散人翠壁微泉時的皜衡門疊嶂曉嶙峋  
子虛誤辱諸公賞萬里輕鷗未易馴

記夢

東吳春暮寒猶重睡美不聞城角動身雖衰惰怕出門  
江山尚入幽窗夢夢到青羊看修竹道人告我丹將熟  
試求一黍換肝腸它日重來駕黃鵠

青羊宮在成都南門外浣花道中

久雨排悶

一春畧無十日晴雨腳纔斷雲已生奇葩摧敗等青莧  
嘉穀漂蕩隨浮萍書生病卧苔及榻溼薪燎衣熏欲盲  
腰頑足痺空歎息咫尺不得行中庭讀書窗黑不見字

彈琴絃緩那成聲  
老盆濁酒且復醉  
兩部鼓吹方施行  
雨中泊舟蕭山縣驛

端居無策散閒愁  
聊作人間汗漫遊  
晚笛隨風來倦枕  
春潮帶雨送孤舟  
店家菰飯香初熟  
市擔蓴絲滑欲流  
自笑勞生成底事  
黃塵陌上雪蒙頭

夜漏欲盡行度浮橋至錢清驛待舟

潮生抹沙岸雲薄漏月明  
江頭曉色動鴉起人未行扶  
攜渡長橋仰視天宇清  
遙憐繫舟人聽我高屐聲  
水檻

得小憩一笑拄杖橫澄漪弄孤影微風吹宿醒湛然方  
寸間不受塵事櫻寄語市朝人此樂未易名

江頭十日雨

江頭十日雨雨止春已盡殘紅如掃空艸木皆綠潤村  
墟櫻筍鬧節物團糝近可憐笠澤翁百憂集雙鬢賦詩  
空自清學道了不進林間一甌茶晤語君勿吝

河橋客亭

小市初晴已過春朱櫻青杏一番新灞陵老子無人識

暫借郵亭整角巾

又

梅子生仁燕護雛  
遶簷新葉綠扶疎  
朝來酒興不可耐  
買得釣船雙鰕魚

小雨舟過梅市

故故催詩襯雨蓬  
悠悠破夢隔雲鐘  
遙看漁火兩三點  
已過算山千萬峰  
老矣自應埋病骨  
歸哉莫念抗塵容  
停橈小住青楓岸  
吳市高人儘可逢

曉枕

曉枕鶯聲帶夢聽  
忽看淡日滿窗櫺  
閒愁誰遣濃如酒  
醉過殘春不解醒

巢菜

并序

蜀蔬有兩巢大巢豌豆頭之不實者小巢生稻畦  
中東坡所賦元修菜是也吳中絕多名漂搖艸  
一名野蠶豆但人不知取食耳予小舟過梅市  
得之始以作羹風味宛如醴泉墓頭時也

冷落無人佐客庖  
庾郎三九困譏嘲  
此行忽似墓津路  
自候風爐煮小巢

吳娘曲

鏡奩蠹出千黑蟻  
釵梁梅小雙青豆  
吳娘十四未知愁  
羅衣已覺傷春瘦  
閒尋女伴過西家  
鬪艸歸來日已斜  
睡睫濛濛嬌欲閉  
隔簾微雨壓楊花

感舊

醉眼常輕兒女曹  
西行對客尚能豪  
縷金羯鼓龜茲樂

金  
卷一  
鏤玉琵琶邏迤槽巫峽已回行雨夢錦江空憶沅花遨  
閒情何計都除盡為覓并州快剪刀

晨起閒步

飛紅掠地送春忙嫩綠成陰帶露香聽徹曉天鶯百轉  
却隨飛蝶度橫塘

初夏同桑甥世昌過隣家

空谷舊生涯蕭條只自嗟妻饒喚護筍兒病失澆花赤  
米老能飽濁醪貧可賒徵科幸差簡扶杖過隣家



寓歎

孤生拙料事諸老誤知人世故幾翻覆此身常賤貧有  
書藏禹穴無地靜邊塵衰病今年劇呻吟欲過旬

春夏雨暘調適頗有豐歲之望喜而有作

二十年無赤白囊人間何地不耕桑陂塘處處分秧遍  
村落家家煮繭忙野老逢年知飽煖書生隨例得猖狂  
雨餘天氣初清潤曳履長歌出艸堂

聞巨寇遁歸漠北

幽州遺民歎塞來來者扶老攜其孩共言單于遠逃遁  
一夕荊棘生燕臺天威在上賊膽破捧頭鼠竄吁可哀  
妄期舊穴得孳育不知天網方恢恢老上龍庭豈不遠  
漢兵一炬成飛灰陛下中興天所命築壇授鉞皆雄才  
煌煌九霄揭日月浩浩萬里行風雷虢山多獸可遊獵  
汝不請命何歸哉

初夏遊凌氏小園

水滿池塘葉滿枝曲廊危榭愜幽期風和海燕分泥處

日永吳蠶上簇時閒理阮咸尋舊譜細傾白墮賦新詩

從來夏淺勝春日兒女紛紛豈得知

庾信詩云夏淺却勝春鏡湖遊人至

立夏而止

### 偶得北來金泉酒小酌

艸艸杯盤莫笑貧朱櫻羊酪也嘗新燈前耳熱顛狂甚  
此酒誰言不醉人

又

天驕萬里跨燕秦志士悲歌淚滿巾未便履腸兼涉血

一樽先醉范陽春

無題

珠鞦玉指擘瑩篴誰記山南秉燭遊結綺詩成江令醉  
橐泉夢斷沈郎愁天涯落日孤鴻沒鏡裏流年兩鬢秋  
不用更求驅豆術人生離合判悠悠

戲贈

簾幕陰陰晝漏遲鵝黃雪白絡新絲只應笑殺東隣女  
不見鞦韆到拆時

題少陵畫圖像

長安落葉紛可掃  
九陌北風吹馬倒  
杜公四十不成名  
袖裏空餘三賦草  
車聲馬聲喧客枕  
三百青銅市樓飲  
盃殘肉冷正悲辛  
仗內鬪雞催賜錦

閒居書事

園林綠菜一番新  
桃李吹成陌上塵  
玩易焚香消永日  
聽琴煮茗送殘春  
隱居正欲求吾志  
大患元因有此身  
堪笑癡人營富貴  
百年贏得冢前麟

登臺遇雨避於山亭晚霽乃歸

溽暑不堪蝸舍陋，瘦藤扶我上危臺。  
搏禽俊鶻橫空去，卷雨狂風掠野來。  
壯觀深知化工妙，幽尋却蹋夕陽回。  
悠然有喜君知否，屐齒留痕遍綠苔。

村居書觸目

雨霽郊原刈麥忙，風清門巷曬絲香。  
人饒笑語豐年樂，吏省徵科化日長。  
枝上花空閒蝶翅，林間甚美滑鶯吭。  
飽知遊宦無多味，莫恨為農老故鄉。

訪醫

衰與病相瘳况復積憂慮眩昏坐輒瞑疲弱行欲仆今  
晨訪之醫見語疾當去脉來如泉源未易測君數盛衰  
當自察信醫固多誤養氣勿動心生死良細故

夏夜讀書自嘲

事業無成去日遒只今身世付滄州風煙慘慘菰蒲老  
星斗離離河漢流寂寞書生學竒字窮愁客子著春秋  
白頭自苦君無笑骨朽成塵志未休

夏日小宴

橫吹銅笛蒼龍聲雙奏玉笙丹鳳鳴已判百年終醉死  
要將一笑壓愁生旋移画舫破山影高捲朱簾延月明  
試問炎歊在何許夜闌翻却葛衣輕

送紫霄女道士四明謝君

一別南充十四年時時清夢到金泉山陰道上秋風早

却見神仙小自然

果州金泉山謝自然飛昇之地

又



道骨仙風凜不群，清秋采藥到江村。  
自言家住雲南北，知是遺塵幾世孫。

醉中夜自村市歸

村市夜騎黃犢還，却登小閣倚闌干。  
銀河斜界曉天碧，壁月下入秋江寒。  
吾輩身閒且飲酒，人生事定須闔棺。  
元自胷中著雲夢，莫驚綠鬢耐悲歡。

城北夜

端居厭孤寂，偶繫北城舟。  
天地淒涼色，江湖汗漫遊。  
螢

光矜暗夜蟲語報新秋老去功名意青燈映布襦

秋夜舟中作

沽酒黃葉村炊飯紅蓼岸居人不孰何正作漁父看漁  
父我所羨尚恐不得作讀書端自癡遊宦亦何樂四顧  
澤茫茫仰視天離離長歌入雲去月落斗未斂

日晚散步湖上遇小雨

暮色蒼蒼日初落寒聲策策風正作湖邊倚杖隄上行  
病起聊試遊山腳平生出門輕萬里老去謝客專一壑

風濤傾動蛟鰐橫閭闔崔嵬鬼神惡春蕪二頃叱黃犢  
老學為農元不錯兜鍪蟬冕俱掃空雨笠香新織青弱  
安期篇

我昔遊岷峨捫蘿千仞峯丈人倚赤藤恐是安期翁贈  
我一丸藥五雲出瓢中服之未轉刻瑩然冰雪容素手  
掬山靄綠髮吹天風丈人顧我喜共騎一蒼龍蓬萊亦  
何求愛此萬里空却來過齊州螳垤看青嵩

曉望海山

算山青尚淺曉山如黛染開窗望海山天青霧方斂向  
來六月中黑雲齊如截蒼龍下曳尾卷雨灑炎熱造物  
信老手忽作萬里秋刻削此孤峭巉然消客愁豈無一  
布帆寄我浩蕩意會當駕長風清嘯遺世事

山園草木四絕句

紫薇

鐘鼓樓前官樣花誰令流落到天涯少年妄想今除盡  
但愛清樽浸晚霞

黃蜀葵

開時閒淡斂時愁  
蘭菊應容預勝流  
剗欲持杯相領畧  
一庭風露不禁秋

拒霜

滿庭黃葉舞西風  
天地方收肅殺功  
何事獨蒙青女力  
牆頭催放數苞紅

蓼花

十年詩酒客刀州  
每為名花秉燭遊  
老作漁翁猶喜事

數枝紅蓼醉清秋

賽神曲

叢祠千載臨江渚拜覬今年那可數  
須晴得晴雨得雨人意所向神輒許  
嘉禾九穗持上府廟前女巫遞歌舞  
嗚嗚歌謳坎坎鼓香煙成雲神降語  
大餅如槃牲脂肥再拜獻神神不違  
晚來人醉相扶歸蟬聲滿廟鎖斜暉  
夜中起讀書戲作

髮已凋零齒已疎忍飢白首卧蝸廬  
風聲忽轢蓬窗過

夜半呼燈起讀書

又

雪恥區區計本疎  
水邊喬木擁茅廬  
九原定發韓公笑  
至老依然一束書

秋夜出門觀月

六十衰翁適得閒  
一秋無事掩柴關  
雁來慘淡沙場外  
月出蒼茫雲海間  
飲酒已衰猶愛客  
著書初畢可藏山  
此生終羨漁家樂  
小艇常衝夕靄還

雨中買酒鏡湖酒樓

陰風號大澤，算雨上高樓。  
愁憶新豐酒，寒思李子裘。  
登臨天地迥，老病歲時遒。  
安得急裝去，北平防盛秋。

聞北政衰亂掃蕩有期喜成口號

正朔今年被百蠻，遙知喜色動天顏。  
風雷傳號臨春水，春水彼都名貔虎移軍過五關。  
博士已成封禪艸，單于將就

會朝班。孤臣老抱周南恨，壯觀空存夢想間。

又



遺孽遊魂豈足憂漢家方運幄中籌天開地闢逢千載  
雷動風行遍九州刁斗令嚴青海夜旌旗色照鐵關秋  
功名自是英豪事不用君王萬戶侯

甲辰中秋無月十七夜獨皦然達旦

老覺人間無一欣窮閭掃軌謝紛紛已憑白露洗明月  
更遣清風收亂雲棲鵲凍枝寒未穩斷鴻呼伴遠猶聞  
病羸慵踏梧桐影倚柱長吟夜向分

悲秋

病後支離不自持湖邊蕭瑟早寒時已驚白髮馮唐老  
又起清秋宋玉悲枕上數聲新到雁燈前一局欲殘棋  
丈夫幾許襟懷事天地無情似不知

農家秋晚戲詠

鞭地如鏡築我場破礮玉粒輸官倉九月野空天欲霜  
甌中初喜新粳香舍邊蕭蕭落葉多野蠶出繭飛黃蛾  
寒蔬種罷醉且歌隻雞短紙賽園婆

病中作

老鶴遼天興未窮此生光景自匆匆家為逆旅相逢處  
身在嚴裝欲發中澀眼尚于書有味孤愁殊覺酒無功  
揮戈艸檄今誰記歲晚江邊白髮翁

秋夜讀書

讀書喜夜長著書悲齒暮平生企前哲凜有庸人懼吾  
廬大澤中地曠北風怒徂年凋艸木寒氣逼霜露燈昏  
老眼闇鈍馬行惡路投枕卷未終吾衰歎非故

病起

頽垣破屋暗藜蒿病起不知秋已高  
晨倚山楹群木脫  
算臨苔砌百蟲號力殫編簡初何得  
腰折塵埃只漫勞  
賴有濁醪生耳熱狂歌醉艸寄吾豪

晨起

孤夢忽自驚小窗初送明珍禽語庭樹可愛不知名  
向者事宜遊塵土過半生傳呼束帶出  
嚦嚦尚殘更山居  
雖自由晨起亦有程洗硯拂書几一笑愜幽情

秋夜

老病龍鍾不入城，濁醪麤飯餞餘生。  
未霜村舍秋先冷，無月江邊夜自明。  
出塞雖慙平賊手，下帷聊喜讀書聲。  
山童睡熟青燈暗，自撥殘爐候藥鐺。

雨中寄東村

小雨空濛物象奇，偶逢藤杖過東陂。  
墊巾風度人爭看，蠟屐年光我自悲。  
窮鬼有靈揮不去，死魔多力到無期。  
歸來笑向衡門說，且了浮生一首詩。

山寺

寺門壓石危欲崩槎牙老松挂蒼藤風傳上方出定磬  
雨暗古殿長明燈宿林野鶻驚復起爭栗山童呼不應  
谿南聞道更幽絕明日裂布縫行縑

天王廣教院在叢山東麓予年二十餘時與老僧  
惠迪遊畧無十日不到也淳熙甲辰秋觀潮海上  
偶繫舟其門曳杖再遊恍如隔世矣

遊山如讀書淡淺皆可樂道邊小精舍亦自一丘壑淒  
涼四十年始復重著腳老僧逝已久講座塵漠漠當時

童子輩衰鬢亦蕭索掃壁觀舊題歲月真雷電文章卑  
不傳衣食窘如昨出門意惘然遼海渺孤鶴

### 江月歌

放翁平生一釣船秋水未落江渺然露洗玉宇清無煙  
月輪徐行萬里天人間聲利何足捐浩歌看月冷不眠  
孤鶴掠水來翩翩似欲駕我從此仙我寓紅塵今幾年  
俛首韉鎖常自憐樂哉揮手過月邊西風未凋玉井蓮

### 初寒書懷

嵩雲緱月本閒人誤落塵中白髮新萬事看山差入眼  
百年把酒獨關身棧邊老馬行安往牀下寒龜息自勻  
藜杖一枝猶好在未妨閒探早梅春

歲暮

小築幽栖與拙宜讀書寫字伴兒嬉已無歎老嗟卑意  
却喜分冬守歲時羹臠芳鮮新弋雁衣襦輕暖自縑絲  
農家歲暮真堪樂說向公卿未必知

晨興



倦枕厭寒夜起尋殘火溫  
啗啗衆雞動耿耿一燈昏  
野氣增霜力窗光淡月痕  
早朝非老事且復灌吾園

村飲

少年喜任俠見酒氣已吞一飲  
但計日斗斛何足論  
綠艸滿雉場紅旗值毬門  
三叫落烏幘倒寫黃金盆  
銀爐熾獸炭狐兔紛炮燔  
浩歌撼空雲壯志排帝閭  
回首今幾時去日如車奔  
朱顏辭曉鏡白髮老孤村  
隣翁勸黍酒稚子供魚飧  
功名信已乎萬事付乾坤

夜半讀書罷出門徙倚久之歸賦長句

浩歌曳杖出柴扉  
不管三更露溼衣  
擬看林梢殘月上  
偶逢浦口斷雲歸  
驚鴻脫網寒相倚  
飢鶻思巢夜亦飛  
却掩北窗誰晤語  
聊憑香盃洗塵鞿

曝書偶見舊稿有感

日滿晴軒理蠹魚  
壯遊回首一欷歔  
淒涼王粲從軍作  
零落相如諫獵書  
歌吹恍思登北固  
弓刀誰記渡南沮  
虎頭本欠功名相  
歸老林間計未疎

# 崑崙行

陰雲解駁朝暎紅  
黃河直與崑崙通  
不駕鸞鳳驟虬龍  
徑躡香煙上空中  
吾行忽過日月宮  
下視積氣青濛濛  
寒暑不分晝夜同  
嵯峨九闕常烈風  
凜然蕭森變冲融  
不悸不眩身如空  
塵沙浩劫環無窮  
詎須更覓安期翁

## 一室

九萬笑鵬搏幽居一室寬  
雨聲便早睡酒力壓新寒  
嬾覺閒多味衰知死有端  
此生吾自斷不必夢邯鄲

得所親廣州書

音信連年恨不聞書來細讀却消魂人稀野店山魃語  
路僻蠻村荔子繁毒艸自搖春寂寂瘴雲不動晝昏昏  
此生相見應無日且置清愁近一樽

幽居戲詠

清泉遶屋竹連牆回首微官意已忘小甌帶泥收洛筍  
洛中冬筍貯以小甌為遠餉細鱗穿柳買河魴黃旗萬里無侯骨紅


燭千鍾有酒腸欲起九原誰可友蘭亭修禊晉諸王

幽事

蕭然四壁野人家幽事還堪對客誇  
快日明窗閒試墨寒泉古鼎自烹茶  
桐凋無復吟風葉蘋老猶殘泣露花  
萬里封侯真已矣只將高枕伴生涯

劔南詩藁卷十六

謹案卷十六第十七頁後三行醉過殘春不解醒  
刊本醒訛醒今改



總校官庶吉士臣張能照

校對官庶吉士臣羅修源

謄錄監生臣秦長馨